

Андижон вилоят автомобиль йўллари ҳудудий бош бошқармаси билан Жалақудук ТЙФУК ўртасида маҳаллий аҳамиятдаги автомобиль йўллари 2022 йилда қишки қаров ишлари бўйича тузилган

Ш А Р Т Н О М А № 36

Андижон шаҳри

2022 йил 29 январь

Кейинги ўринларда “**Буюртмачи**” деб юритиладиган Андижон вилояти автомобиль йўллари ҳудудий бош бошқармаси номидан Низоми асосида иш кўрувчи бошлиғи Т. Қараев бир томондан, матнда кейинги ўринларда “**Пудратчи**” деб юритиладиган Жалақудук ТЙФУК Низоми асосида иш кўрувчи директори Т.Мирзаев иккинчи томондан, Ўзбекистон Республикасининг 1998 йил 29 августдаги 670-1-сонли “Хўжалик юритувчи субъектлар фаолиятининг шартномавий ҳуқуқий базаси тўғрисида”ги Қонун талабларидан келиб чиқиб, Ўзбекистон Республикаси Вазирлар Маҳкамасининг 2020 йил 19 майдаги 295-сонли “ЎзР Транспорт Вазирлиги ҳузуридаги Автомобиль йўллари кўмитаси Низомини тасдиқлаш тўғрисида”ги қарорнинг 3-боб, 13-бўлим, 15-хатбошисига асосан, 2019 йил 9 декабрь кунги ПҚ-4545-сонли қарорнинг 1-илovasига асосан, ҳамда 2017 йил 14 февраль кунги ПҚ-2776-сонли қарорларга асосан, Жалақудук тумани ҳудудидан ўтувчи умумий фойдаланишдаги маҳаллий аҳамиятдаги автомобиль йўллари қишки қаров ишлари бўйича ушбу шартномани туздилар.

I. ШАРТНОМАНING МАҚСАДИ

1.1. “**Пудратчи**” ушбу шартнома шартларига мувофиқ Жалақудук тумани ҳудудидан ўтувчи маҳаллий аҳамиятдаги автомобиль йўлларида қишки қаров ишларини шартноманинг ажралмас қисми ҳисобланган иловага асосан бажариш мажбуриятини олади. “**Буюртмачи**” эса “**Пудратчи**”га бажарилиши лозим бўлган ишлар учун тегишли меъерий ҳужжатлар ва ташкилот меъерлари асосида тузилган лойиха-смета ҳужжатларида кўзда тутилган маблағ тўловини амалга ошириш мажбуриятини олади.

II. ШАРТНОМАНING БАҲОСИ ВА ХИСОБ КИТОБ ТАРТИБИ

2.1. Бажарилиши лозим бўлган ишлар қиймати (барча солиқлар, йиғимлар ва ажратмаларни ўз ичига олган ҳолда)га асосан жорий нархларда 2022 йилда **20 558 000 (Йигирма миллион беш юз эллик саккиз минг)** сўмни ташкил этади.

2.2. Бажариладиган ишлар қиймати узил кесил ҳисобланиб, фақатгина ишлар ҳажми буюртмачи томонидан ўзгартирилганида ва форс мажор ҳолатлари сабаб бўлганида қайта кўриб чиқилиб, томонлар ўртасида қўшимча битим билан расмийлаштирилади.

2.3. Шартнома томонлар ўртасида имзоланиб, тегишли Ғазначилик тизимидан электрон тартибда рўйхатдан ўтиб, жамғарма ҳисоб рақамида маблағ мавжудлигини ҳисобга олиб жорий ойнинг 10 санасига қадар “**Буюртмачи**” томонидан бажариладиган ойлик иш ҳажмининг 40% миқдоридан олдиндан аванс тариқасида “**Пудратчи**”нинг ҳисоб рақамига ўтказиб беради.

2.4. “**Буюртмачи**” томонидан ойлик иш ҳажмлари режасига асосан “**Пудратчи**” томонидан тақдим қилинган бажарилган ишлар қиймати тўғрисидаги маълумотномалар асосида 30 банк иш кунини “**Пудратчи**”нинг ҳисоб рақамига ўтказиб беради.

2.5. “**Буюртмачи**” охириги тўловни “**Пудратчи**” томонидан иш тўлиқ бажариб топширилиб, қабул қилиш-топшириш далолатномаси ва бажарилган ишлар қийматлари тўғрисидаги маълумотномалар асосида 30 банк иш кунидан кечикмаган муддатда бироқ 2022 йилнинг 31 декабрига қадар ўтказиб беради.

2.6. Бажарилган ишлар учун тўловлар “**Буюртмачи**” томонидан пул ўтказиш йўли билан амалга оширилади.

III. ТОМОНЛАРNING ҲУҚУҚ ВА МАЖБУРИЯТЛАРИ

3.1. “Пудратчи”нинг мажбуриятлари

Мазкур шартномада илова қилинадиган бажариладиган ишлар маълумотномасига асосан биринчи аванс тўлови тушгандан бошлаб ишларни бажаришга киришади ва ишларни ой якунига қадар бажариб топширади.

Барча ишларни тасдиқланган смета ҳужжатларига мувофиқ, мазкур шартномада назарда тутилган ҳажмда ва муддатларда ўзининг кучлари билан бажариш ҳамда “**Буюртмачи**”га мазкур шартнома шартларига мувофиқ топширади.

3.2. “Пудратчи”нинг ҳуқуқлари

Бажариб берилган иш учун олинадиган аванс ҳақ тўланишини ва ишни бажариб топширгандан сўнг тўла ҳажмда ҳисоб китоб қилинишини талаб қилиш;

Бажариб берилган ишни қабул қилиб олиш асоссиз равишда рад этилиши натижасида етказилган зарарни қопланишини талаб қилиш;

3.3. “Буюртмачи”нинг мажбуриятлари

Тасдиқланган смета бўйича бажарилган ишларни Автомобиль йўллари кўмитасининг 2003 йил 15 октябрдаги 198-сонли буйруғи асосида “Автомобиль йўллари қуриш ва таъмирлаш ишларини қабул қилиш қоидалари” МШН-19-2004 ва бошқа меъерий ҳужжатлар талаблари даражасида қабул қилиб олиш;

Бажарилган ишлар учун ўз вақтида ҳақ тўлаш;

3.4. “Буюртмачи”нинг ҳуқуқлари

“**Пудратчи**”дан бажариладиган қишки қаров ишларини амалдаги давлат стандартлари ва бошқа меъерий ҳужжатлар асосида бажарилишини таъминлашни талаб қилиш;

Камчиликларни бепул бартараф этилиши ёки камчиликларни бошқа шахс томонидан тўғриланиши харажатларини қопланишини талаб қилиш;

“**Пудратчи**”дан шартномада кўрсатилган ишларини лойиха ҳужжатлари асосида ишни сифатли бажарган ҳолда қабул қилиб олиш;

“Пудратчи” томонидан ишлатиладиган материаллар ва асбоб ускуналарни иш хужжатларига мувофиқлигини назорат қилиш;

IV. ТОМОНЛАРНИНГ ЖАВОБГАРЛИГИ

- 4.1. Томонлардан бири шартнома мажбуриятини бажармаса ёки зарур даражада бажармаса мажбуриятни бажармаган томон иккинчи томонга етказилган зарарни тўлайди;
- 4.2. “Пудратчи” объектни ўз вақтида топширмаганлиги учун “Буюртмачи”га ҳар бир кечиктирилган кун учун шартнома мажбуриятлари бажарилмаган қисмининг 0,5%и миқдорда пеня тўлайди. Тўланадиган пенянинг суммаси бажарилмаган мажбуриятлар баҳосининг 50%идан ошмаслиги керак.
- 4.3. Аниқланган камчилик ва нуқсонлар “Пудратчи” томонидан ўз вақтида бартараф қилинмаса “Буюртмачи” тўловларни тўхтатиб, лозим даражада бажарилмаган ишларнинг 20%и миқдорда жарима ундирилишини талаб қилиш ҳуқуқига эга.
- 4.4. Бажарилган ишлар учун “Буюртмачи” томонидан ўз вақтида ҳақ тўланмаса, ҳар бир кечиктирилган кун учун кечиктирилган тўлов суммасининг 0,4%и миқдорда пеня тўлайди. Тўланадиган пеняларнинг умумий суммаси кечиктирилган тўловларнинг 50%и миқдордан ортмаслиги керак.
- 4.5. Тўланадиган пеня ва жарималар шартнома мажбуриятларини бузган томон иккинчи томонга ана шу мажбуриятларни бажармаслик оқибатида етказган зарарларни қоплаш жавобгарлигидан озод этилмайди.
- 4.6. Ушбу шартномада кўзда тутилмаган жавобгарликлар Ўзбекистон Республикасининг 1998 йил 29 августдаги 670-1-сонли “Хўжалик юритувчи субъектлар фаолиятининг шартномавий ҳуқуқий базаси тўғрисида”ги Қонунининг 25-32 моддлари асосида белгиланади.

V. ЕНГИБ БЎЛМАЙДИГАН КУЧ (ФОРС МАЖОР) ХОЛАТЛАРИ

- 5.1. Ушбу шартнома бўйича мажбуриятларни тўлиқ ёки қисман бажарилмаслиги табиат ходисалари ва бошқа енгиб бўлмайдиган куч ҳолатлари натижасида келиб чиқса ва бу ҳолатлар шартнома шартларини бажарилишига бевосита таъсир этса томонларнинг жавобгарликдан озод этилиши Қонун ҳужжатларида белгиланган тартибда кўриб чиқилади.

VI. ШАРТНОМАНИ ЎЗГАРТИРИШ, БЕКОР ҚИЛИШ ВА НИЗОЛАРНИ ХАЛ ҚИЛИШ ТАРТИБИ

- 6.1. Мазкур шартнома белгиланган шаклда томонларнинг ўзаро келишувига мувофиқ ўзгартирилиши ва бекор қилиниши мумкин.
- 6.2. Мазкур шартнома бўйича юзага келиши мумкин бўлган низо ва келишмовчиликлар ўзаро муҳокама йўллари билан хал этилади. Агарда ўзаро муҳокама йўли билан хал этиш имкони бўлмаса, Қонун ҳужжатларида белгиланган тартибда Хўжалик суди орқали хал этилади.

VII. ШАРТНОМАНИ АМАЛ ҚИЛИШ МУДДАТЛАРИ

- 7.1. Шартнома томонлар имзолаб, ҳудудий Ҳазначилик тизимидан электрон тартибда рўйхатдан ўтган кундан кучга кириб, 2022 йил 31 декабргача амал қилади.
- 7.2. Шартнома 2 нусхада тузилиб, иккала нусхаси ҳам ҳуқуқий жиҳатдан тенг кучли ҳисобланади.

VIII. ТОМОНЛАРНИНГ РЕКВИЗИТЛАРИ

“ПУДРАТЧИ”

Жалакудук ТЙФУК

(иш бажариб берувчининг номи)

Манзили: Жалакудук тумани Бойчечак МФЙ
Нафосат кўчаси 33-уй
Тел./факс: 74 755-23-91
х/в 22626000200274502004
Банк номи: “Уз Миллий банк” Андижон бўлими
МФО: 00074 ИНН: 200269054
ОКОНХ: 42110

“БУЮРТМАЧИ”

Андижон вилоят АЙХББ

(бюджетдан маблаг олувчининг номи)
Манзил: Андижон ш. А.Йўлдашев кўча 30
Тел./факс 224-10-07 226-88-90
ш/х* 304510860034017045173118001
СТИР: 200230895 ОКОНХ: 84112
Ҳазначилик бўлинмаси номи: Ўз Р Молия
Вазирлиги Ҳазначилиги
Ҳазна х/в: 23402000300100001010
Банкнинг номи: МБББ ХККМ
МФО: 00014
Ҳазначилик бўлинмаси СТИР 201122919


Бошлик:

М.Ў

Т. Қараев

Ҳуқуқшунос маслаҳатчи:

А.Мамажонов



Анджон вилоят АЙХББ билан Жалакудук ТЙФУК
 ўртасида тузилган умумий суммаси 20 558 000
 сўмлик №36 -сонли шартномага илова

Жалакудук ТЙФУК томонидан бажариладиган маҳаллий аҳамиятидаги йўлларда қишки қаров ишлари қиймати ва ишларни бажариш жадвали

№	Йулнинг номи	Йулнинг узунлиги км	2022 йил 1 кв режаси	2022 йил 1 кв режаси		
				I-чорак		
				жами	январь	февраль
1	2	3				март
Маҳаллий аҳамиятидаги йўллар						
1	4К-72" Қутарма-Охунбобоев-Кургонтепа-Чимён-Панжикургон"	18	4446	2223	2223	
2	4К-73 "4Р-135 а/й-Конди-Эшонобод"	3	736	368	368	
3	4К-75 "Корасув-Куштепа-Ёркишлок"	12	2950	1475	1475	
4	4К-78 "Дехнонобод-Куртки"	8	1966	983	983	
5	4К-124 "Ойим-Қуприкбоши-Карамиш"	8	1966	983	983	
6	4Н-1072 "Савай ш/х 2булим-Бирлашган-Ёркишлок"	7	1720	860	860	
7	4Н-1073 "Қатортол-Кичикполвон-Чунка-Кучатзор"	15	3088	1544	1544	
8	4Н-1074 "Қиличмозор-Капа-Дунгишлок"	10	2458	1229	1229	
9	4Н-1148 "4Р-249 а/й-Пахтачи"	5	1228	614	614	
	Жами	86	20558	10279	10279	0



"П У Д Р А Т Ч И"
 Жалакудук ТЙФУК директори
 Т.Мирзаев



"Б У Ю Р Т М А Ч И"
 Анжон вилоят АЙХББ бошлиғи
 Т.Қараев